

ТОНАФНЕМС АНЬЦЕК ОТЛИЧНАЙСТА

Отличнайста тонафнемать и отличнай дисциплина инкса тюремась—вов основной лозунгсь, конанц инкса тюрьсть и тюрихть Саранск ошень школьной комсомольский организацияне. Кда тонафнема кизоть омбоце четвертьстонза ошста сембе школатнень эзга абсолютнай успеваемость ульсь 79 процент, то колмоце четверть эзда пачфтьф 90 процентс. 44-це № школы абсолютнай успеваемость пачфтьф 87,5 процентс, а васенце № школы—82 процентс. Оцю сатфкт тя школы успеваемость коряс сатфт комсомолецнень йоткса. Кда инголи 160 комсомолецт йоткса 15 получакинсть кальдяв отметка, то тяти кальдяв отметка мархта комсомолецта аньцек 3. Колмоце четверть пингста абсолютнай успеваемость комсомолецнень йоткса пачфтьф 98,9 процентс. 10-це „Б“ класса, коса тонафни комсомольский комитетт секретарец Максимов ялгась аш фкявок кальдявста тонафни. Тя класса тонафнихне сембе комсомолецт.

Кода школы сатфт тяфтама сатфксне? Комсомольский комитетт секретарец и членонза отвечайхть тяфта:

— Васендакиге сембе ученикнень и синь родительсон ознакомили ВЛКСМ-нь ЦК-ть X-це пленумонц решениянзон мархта, коса эрь ученикс шарьхкодезе, што родинати сонь инь цебярь подаркац—тя отличнайста и цебярьста тонафнемась и отличнайста эсь прянь вятемась. Тянь инкса сембе тонафнихне сувасть социалистический соревнованияс. Комсомольский группоркне тисть эстейст текущей успеваемостень тетрадь, коса кода ваномаса няеви эрь комсомолецт успеваемостец. Кда кой-кона ялгась получаць кальдяв отметка, то эстакиге сонь ашкодсась ялгань лезксса и

ванат, курукста машфтсась ся кальдяв отметка. Тяфта тиендихть и сят ученикнень мархтонга, конат аф ашихть комсомолса. Комсомольский комитетт марса класснай руководителхнень мархта тиендихть беседат кальдявста тонафни ученикнень и синь родительсон мархта. Вов кепотьксонди, 10-це „Б“ класса ученикс Парамонов сембе дисциплинатнень коряс тонафнесь кальдявста. Класснай руководительс Егорова ялгась марса комсомольский комитетт секретаренц и ученикнень-отличникнень мархта кармасть якама сонь ширезонза. Содазь васенда, мезе Парамоновти шорси цебярьста тонафнемс, а меле макссть тейнзаэрявикс лезкс, и тяти Парамоновть тонафнемаса аш фкявок кальдяв отметкац, а 4 цебярь отметканза.

Дисциплинась тяфта жа нят школатнень эса аф кальдяв. Но 44-це № школы аulichть нинге ученикт, кода Мироновс урокнени относится кальдявста, урока преподавательт мархта сялонды, лама дисциплинань коряс тонафни кальдявста. Оцю лезкс дисциплина кемокстамаса максихть учительхне. Нят школатнень эса нльне пионерский сбор фкявок аф йотви учительтма. Тяса тяфта жа лац работайхть ученический организацияне, конатнень эса руководителкс работайхть ВЛКСМ-нь четт.

Но рядсок нят сатфкснень мархта ошса лама школава улихть нинге оцю аф сатыкст. Вов тяка жа 1-це № школы комсомольский организацияс аф сатомшка тюри школать цебярь санитарнай состоянианц инкса, кальдявста ладяф переменатнень пингста дежурствась, аф сатомшка ладяф кружковой работась, аф систематический йотафневихть дополнительной занятиятне и аф сатомшка тонафнесазь ученикнень бытсон.

ОРДЕНОНОСЕЦЬ СЪОРМАЦ

Адышкин Алексей Васильевичс шачсь М.-Паевка велеса. Сон тяти служай Рабоче-Крестьянский Якстерь Армияс финляндский границаса. Белофиттнень каршес образцовайста тюреманкса сон награжденай „Красное знамя“ ордена. Бойхнень аделамда меле, сон съормадсь эсь земляконзонды съорма, коса съормады:

„Белофиттнень каршес геройста тюреманкса и боевой заданиятнень образцовайста пяхкодемаснон инкса партиясь и правительствась монь наградил „Красное знамя“ ордена.

— Мон любой минута анокан империалистический хищникнень эзда социалистический родивазень аралама, а тинь, колхозникт, паксяса работада станя, штоба получамс 100 пуд съора эрь гектарть лангста“. Колхозникне тя съормать эсь собраниясост лувозь и съормадсть патриотти тяфтама ответ:

— Минь, колхозникне, колхозникатне и трудовой интеллигент-

тне, получамок тонь съормацень, кучсетяма тейть пламенной большевистский привет, сяс мес тон ванат минь социалистический родинаньконь и ачат примернай боецокс. Тонь примерце келсесы минь мяленьконь производственной од победатнени и надияфтама тейть, што минь эсь паксяньконь лангста саттама эрь гектарста аф 100 пудта кржа съора и тинь мархта лездтама Якстерь Армияти сонь боевой мощевц кеподемаса. И кда эрявксты тейнт лезкс и сергытьсамазь танди правительствась, минь аноктама марса Якстерь Армиять мархта шавомс любой вרכת, конац аньцек тяряфты эцеме минь советский моданьконь лангс.

Колхозникнень порученияснон коряс, съормать подписали:

Лобанов.
Адышкин.
Парфенов.

Кадомский район



СНИМКАСА: Советский Союзонь Геройсь васенце рангонь командармс Григорий Иванович Кулик.
Фотось Ф. Кисловть (ТАСС-ть фото-кишец).

ОЦЮ НАГРАДА

Финский белогвардейщина каршес тюремань фронта Командованиять боевой заданиянзон образцовайста пяхкодеманкса и тяка пингть отвагань и геройствань няфнеманкса СССР-нь Верховнай Советть Президиумонц указонц коряс 119 лувксса якстерьarmeонди, командиронди и политработниконди максф Советский Союзонь Геройнь звания и казф Ленинонь ордена и „Золотая звезда“ медалса.

Финский белогвардейщина каршес тюремань фронта Командованиять боевой заданиянзон образцовайста пяхкодеманкса и тяка пингть доблестень и мужест-

вань няфтеманкса СССР-нь Верховнай Советть Президиумонц указонц коряс казф Ленинонь ордена 186-це стрелковой дивизиясь и 39-це отдельнай легкотанковой бригадась. „Красное знамя“ ордена казф колма дивизият, фкя бригада, кимнилие полк и различнай родонь войскань колма батальотт.

Якстерь Армиянь частьтнень политический воспитаниянь тевса выдаючай заслуганкса и финский белогвардейщина каршес тюремань фронта дисциплинань кемокстаманкса „На страже родины“ газетась казф „Красное знамя“ ордена.

Значкистнень лувкссна касыхть

Саранск ошень 1-це № школы лац ладяф оборонно-физкультурнай работась. Тяса Якстерь Армиять и Военно-Морской флотть 22-це годовщинасонды анокласть 575 значкист.

Тяти работайхть ПВХО-нь 4 кружокт, коса сембоц 100 ломань. ПВХО-нь инструкторхне, отличникне - комсомолецне Воронков, Максимов, Кочетов оцю успех

мархта кружокнень эса йотафнесазь занятиятнень.

Тяда башка работайхть колма стрелковой кружокт, коса сембоц 75 ученик. Тяса занятият йотафнихть Бузеров преподавательс и Кипаев военрукс. Тонафнихне сывсть обязательства, штоба зачетнень пингста максомс ПВХО-нь и ВС-нь значокнени сембе норматнень.

А. М.

ГЕРМАНСКИЙ ПРАВИТЕЛЬСТВУЕТЬ МЕМОРАНДУМОЦ

Берлин, апрель 9-це шистонза. (ТАСС). Германский информационный бюрось азонкшнесы германский правительствуе меморандумонц текстонц, кона максф Датский и Норвежский правительствуатненди. Меморандумса корхтати: „Вопреки германский народть и сонь правительствуанц искренний стремленияцы эрямс мирса и дружбаса английский и французский народтнен мархта и аф ваномок сян лангс, што аш кодамовок разумнай основания фкяфкянь йоткса споронди, Лондонь и Парижень правительствен азсть германский народти война. Вишкоптемок германский империять и сонцен германский народть существованиец каршес куваркиге аноклакшневи эсь агрессивнай войнасон, Англиясь и Франциясь ушедсть сяка пингть морской война нейтральной странатнен каршес, конань вельде синь тряфнестъ, йофси аф ваномок международнай правать лангс, тиесм вачашинь блокада германский аватнен, иттенъ и сиретнен каршес. Блокада йотафтомаса синь беспощаднай мероприятиясна пачкодсть тяфта жа и нейтральной странатненди. Международнай правати противоречующай тюреманы нэ метоттненди, конатнен йотафтомс эряфс Англиясь и Франциясь, и конатнен лангс Германиясь вынужден отвечаем оборонительнай мероприятияса, непосредственной следствияк ащи оцц ущербон тиесм нейтральной судходствати и нейтральной торговляти. Тяда башка, английский ня мероприятияне тистъ уничтожающей удар сонцен нейтралитетъ шарьхкодеманыц.

Германиясь йорась обеспечидамс нейтральной странатнен правасон, тряфнемом ограничендамс моряса войнать анычек ся зонатнен эзга, конат ащицхь Германиять и сонь противниконзон йоткса. Мекланкт, Англиясь, тряфнемом аерфтомс опасностъ эсь островонзон эзда и сяка пингть шорямс Германиять и нейтральной странатнен йоткса торговляти, сембе сяда и сяда пях йотафнезе морской войнать нейтральной странатнен ведезост. Мольтемок войнать вятемань тя подлинна британский методть, Англиясь сембе сяда и сяда пях, нарушандакшнемом международной правать, вишкопнезе моряса и воздуха войнать отечественнай веттнен эса, а тяфта жа Даниять и Норвегиять территориясон лангса. Событиятнен тяфтама развитиясон возмозженец Германиясь няезе войнать ушетксстон за сявомок. Эсь внутренний и внешний экономический политиканц йотафнемста Германиясь тисъ препятствия англичаттнен тряфнемаснонды сян колга, штоба керомс Германиять вачедонь блокадса нейтральной странатнен эзда. Мекольден кофнен пингста сембе сяда снайксарсесь британский политикать полнай крахоц Германияти блокадань йотафтомать колга. Событиятнен тяфтама развитиясна, а стане жа германский западнай укреплениец линиятнен лангс непосредственной нападения тиесм невозможностец и Англиясь и Франциясь сембе касы озабоченностъ моряса и воздуха германский успешнай контратакатнен мархта вятсть мекольден пингть сянди, што кафецке странатне сембе средствань вельде йорасазь йотафтомс войнать театранц кода Европань, стане и аф Европань ней-

ральной странатнен территориясонды.

Ся, што Англиясь и Франциясь йорасазь использовандамс европейский йомла государстватнен территориясон, шарьхкодеви, соответствует английский традициятненди. Мекольден кофнен английский и французский государстватнен деятельне открыта азондозь эсь планцон ня областтненди войнать келептеманц колга.

Тянь эса ащесъ синь основной стратегический цельсна. Тянди васень поводкс ульс русско-финский конфликтс. Английский и французский правительствуатне открыта азозь, што синь мялсна военной ширде шоворемс Советский Союзть и Финляндиять йоткса конфликтти и тяфта использовандамс севернай странатнен кода базань операциятнен вишкоптемасон инкса. Англиять и Франциять мялснон и учсемасон каршес северса тиф мирсь эстакиге ни шорясь тейст эсь решениясон йотафтоманыц.

Кда английский и французский государстватнен деятельне задним числом азозь, што синь йорастъ тяфта тиесм соответствующай государстватнен ширде соглашения коряс, то тя ащи грубай неправдакс. Германиять правительствуанц улихть документальной доказательстванза сянди, што Англиясь и Франциясь марса решили эряфс йотафтомс эсь цельснон севернай государстватнен территориясон лангс ня государстватнен ширде соглашениястома. Решающий ащи, однак, вага мезь: французский и английский правительствуатнен позицияста советско-финский мирнай договорда инголе и меле, германский правительствуатнен кядса уликс сведениятнен коряс, безусловна, лисенди, што Советский Союзть каршес Финляндиять кошардоманц колга решениясь долженоль служамс нинге лия планондинге. Англиясь и Франциясь Скандинавиясь кирдсть тяфтама цельхь: 1. Керомс Германиять севернай рудать эзда Нарвикть занимаец вельде. 2. Англо-французский вооруженнай вийхнен вельде скандинавский странатнен эса тиесм од фронт севернай флангста Германиять лангс нападения тиесм. Тя пингть севернай странатне должеттольхь служамс англо-французский войскактенди войнать театракс ся пингть, кода Северонь нароттне, английский сиретрадиятнен коряс должеттольхь кандомс вспомогательнай войскань роль. Мзырда жа тя планц, русско-финский мирнай договорть вельде, изъ удала, германский правительствуатнен сявозе мялсь, што Англиясь и Франциясь эстакиге жа ушедсть определеннай тряфнемат лия формаса эсь цельснон эряфс йотафтомс. Северса интервенциянь анокламс аф лоткиси эсь стремлениясон английский и французский правительствуатне мекольден неделатнен пингста открыта прокламировали тезис сян колга, што тяниень войнать эса не должен улемс кодамовок нейтралитет и што йомла странатненди обязанностекс ащи активна участвовандамс Германиять каршес тюремаса. Тя тезиссь мольтевсь западнай державатнен пропагандаса и мархтонзафкя пингть сембе сяда вишкопневсь политический нажимсь нейтральной государстватнен лангс. Западнай державатнен войскасон маластонь пингть Скандинавия вальхто-

масон колга конкретнай сведения стаки сашендсть мекольден пингтьке. Кда нинге могли улемс кодамовок сомнения западнай державатнен решениясон колга Северса интервенциянь ушedomать колга, то мекольден шитнен пингста ня сомнениятнен эзда мезевок изъ ляд. Германский правительствуатнен улихть безусловнай основаниянза лувомс, што Англиясь и Франциясь маластонь шитненкиге йоразь вдруг занямс севернай государстватнен территориясон. Севернай государстватне эсь ширдест аф анычек истъ ти сопротивления Англиять и Франциять вмешательствасон каршес, но и истъ прима кодамовок мерат синь территориальной ведснон нарушениясон каршес. Германиять правительствуатнен считается сяс сян мархта, што норвежский королевский правительствуатнен заняи стама жа позиция кда реализовандасазь Англиясь и Франциясь эсь планцон. Кда нльне норвежский королевский правительствуатнен тряфтолезе ба ответнай мероприятиянь тиесм, то германский правительствуатнен пях цебарьста шарьхкодсь сян, што Норвегиять военной вийнза аф сатыхть успешнай сопротивления тиесм англо-французский действиятнен каршес. Тюремать тя решающей фазанц пингста, конань навязали Англиясь и Франциясь германский народти, германский правительствуатнен кодамовок случаясь аф нолдасы, штоба скандинавский странатне улехть шарффт войнать театракс Германиять каршес и штоба норвежский народсь видеста или косвенна улехть таргаф войнати Германиять каршес. Германиять ашмялец бездеятельна учендомс мзырда ули йотафт эряфс сонь противниконзон планца. Германский правительствуатнен кярмодсь тачи определенной военной операциятненди, конатнен цельсна занямс стратегический важнай пункт норвежский территорияса. Германиять правительствуатнен войнать пингть сявондсы эсь лангонзон Норвегиянь королевствать охрананц. Тяниень шиста сявомок сон пяхкес решимостса сембе средстватнен вельде аралякшнемс мить Северса и окончательна обеспечидамс сонь Англиять и Франциять всякай происксон каршес. Германский правительствуатнен

изъ йора, штоба событиятне тяфта вишкомольхть. Тянь инкса ответственностъ кандсазь Англиясь и Франциясь. Кафцке государстватне васькафнезь корхтастъ, што синь аралякшнесазь йомла странатнен. Тевса жа синь йотафнихть насилия синь лангозост, надиямок тяфта йотафтомс эряфс сембе сяда пях няевиста азонкшнени стремлениясон Германиять машфтоманц колга. Германский войскактне заняь норвежский территориять аф враждебнай цельса. Германский армиять верховнай командованияц аф йорай использовандамс заняи пункттнен операциян базанди Англиять каршес тюремаса, кда Англиясь и Франциясь эсь мероприятиясон мархта аф таргасазь сонь тянди. Мекланкт, Германский военной операциятне кирдхть цель шорямс Аглияти и Францияти занямс севернай странатнен территориясон, штоба тиесм эстейст опорнай пунктт. Германский правительствуатнен лувондсы, што германский армиять ня мероприятиянза служайхть тяфта жа сонцен Норвегиять интересонзонды, сяс мес аралякшнесазь скандинавский странатнен тяниень войнать эса битвань паксанди синь территориясон шарфтоманц эзда. Сяс Германиять правительствуатнен учи, што норвежский королевский правительствуатнен норвежский народсь шарьхкодсь Германиять поведенияц и аф кармайхть тиендема сопротивления. Всякай сопротивления ули сембе средстваса синьф германский вооруженнай вийхнен вельде и улехь ба анычек йофси киндинге аф эряви кровопролития. Германиясь сяс эняльди норвежский правительствуати курокона примамс сембе мератнен сянди, штоба германский частьнен действиясна афолхть васьфне препятствия и трудностъ. Фалу цебарьста мольт германонорвежский отношениятнен духса германский правительствуатнен азондсы норвежский королевский правительствуати, што Германиясь аф йорай нарушандакшнемс норвежский королевствать территориальной целостностенц и политический независимостенц аф тачи, аф сай пингть“.

Меморандумть лувозе радио вельде пропагандань министрсь Геббельс.

Датский король и правительствуатнен населенияти обращениясна

Берлин, апрель 9-це шистонза. (ТАСС). Кда азондсы Трансоцеан агентствать копенгагенский корреспондентоц, датский корольс и датский правительствуатнен тачи обратились Даниянь населенияти призыв мархта, штоба сон ванфтоль спокойствия и порядок. Даниять интересонзон араламасон инкса, корхтати обращения, ко-

рольс и правительствуатнен, мольтемок эсь волясон каршес, примазь германский требованиятнен, и тачи германский войскактне действияндахть согласованнайста датский вооруженнай вийхнен мархта, конат аф тиендихть кодамовок сопротивления германский войскактненди.

Норвежский телеграфнай агентствать сообщенияц

Осло, апрель 8-це шистонза. (ТАСС). Норвежский телеграфнай агентствась пачфни, што апрель 8-це шистонза шобдава Норвегиясь английский посланниксь Дормер и французский посланниксь де Дампьер якасть иностраннай тевонь министерствати и макссть нота норвежский правительствуати.

Печатть сообщениянзон коряс, норвежский правительствуатнен тя пингс ащезь получаекне кодамовок предупреждения, и тейнза ащезь мяргонде, штоба Норвегиясь сонц ладяль минат. Англиять и Франциять действиясна Норвегияти эвондасть прокс апак учсек.

Комсомольско-молодежный звенатненди лезксонди

Аф лама шиди меле ушедыхть паксянь тефне. Эрь звенати тьяни эряви нинге весть лацкас арьсемс эсь агротехнический планонзон, лувомс мзяра сонь удобрениядон-за, лацкас азондомс звенань чет-тненди кие, коса и месь кармай тиендема. Нинге весть азондомс тейст эсь культураснон коряс агроплантть и агротехникать. Нинге весть корхтамс агрономть мархта, кода получамс сяда оцю урожай. Тьяни звенать успехоц ащи в основном тяфтама условиятнень эзда:

1. Зябть эсь пингстонза инза-мац; эряви мяляфтомс, што апак инзак почвать эзда эрь гектарста эрь шиня испаряется 5 тейжянь-ца сявомок 60 тейжяни модемс литра ведь, а инзаф почваса испарениясь крьфневи 6—7 крда.

2. Озимой видефненди, нинге эй модать ланга эряви тиесм под-кормка. Мордовский Госселекцион-ная станцияс Давыдов ялгать звенац тии озимой участканцы кафта подкормкат.

а) Ранний подкормка—15 кило-грамма азот, 15 килограмма фосфор;

б) Подкормкась — сьороть куст-ьяманц пингста—15 килограмма фосфор, а калийный салсь тя участкть лангс ульсь ускф нинге паринань сокама ланга. Эста уск-фоль 1,5 центнерхт калийный сал. Тя участкть лангс тяфта жа ульсь ускф 20 тонна назем эрь гектарть лангс, 4 центнерхт супер-фосфат и 1 центнер монтанселит-ра.

2 гектархт озимой розть лангс, кста звенань членц-агрономс Н. И. Поповась сьавсь обязатель-ства получамс 30 центнерхт эрь гектарть лангста, париватнень

лангс ускф 25-нь тонна назем и 6 центнер суперфосфат. Тунда ти-ендевихть 2 подкормкат: басенце подкормкась—15 килограмма азот и 15 килограмма фосфор.

Омбоцесь — 15 килограмма фосфор и 30 килограмма калий. Калийсь кемокстасы шужарть и сьоротне меле сяшкава аф ма-дыхть.

3. Яровойхнень урожайностьна тяфта жа кармай определяться почвать удобряндаманц, ранний инзаманц, эсь пингстонза культи-вациянц и эсь пингстонза и це-бярь видьмоса видеманц мархта. Беленикина ялгать звенац (МГСС) пинемть алу нинге сёксендакиге усксь 4 центнерхт суперфосфат и 1 центнер калийный сал. Тунда ин-замда инголе путы 6 центнерхт саразонь помет, а меле культиви-ровандасы и тага инзасы, а тоса туркс-накось видесы, коза види-фка гектарть лангс 1,8 центнерхт видьме. Видемань оцю нормась пинемса и яровой тозерса, лац аноклаф участкть лангса ла-мода кеподьсы урожайть. Широ-корядной культуратнень (люкшя-ти, суроти) видьмонь нормась кас-фнемс аф эряви.

МГСС-сь вестенге ашезь йора зябть оду сокамс, и аф мярьгонди колхознендиге тиендемс тянь. Оду сокамась зябти можна тиесм ань-цек исключительной случайста, мзярда почвась пяк уплатненая.

Кда комсомольско-молодежный звенатне пашкотьсазь нят усло-виятнень, то можна смелста мярь-гомс, што синь успехснон паледа ламоц пашкотьф. Засухатне, сухо-вейхне эста улихть аф страш-найхть.

В. Гушин.

МГСС-ть научный сотрудник.

Литературный вечер

В. В. Маяковскийть кулома шистонза сявомок 10 кизонь топодеманцты

Мордовский республиканский библиотекась апрельть 10-це шис-тонза йотафтсь читательхнень и ошень общественность мархта литературный вечер, кона ульсь посвященный советский эпохань великий поэтть Владимир Влади-мирович Маяковскийть памятьс.

Вечерса В. В. Маяковскийть эрьфонц и литературный деятель-ностенц колга тись доклад Мор-довский пединститутть литерату-

рань и кялень кафедранц заведую-щайц Бихтер ялгась.

Тяда башка ульсь ётафтф худо-жественная часть, коса мордовский поэтне лувозь Маяковскийть баш-ка произведенийонзон мокшень кяль-са, а тяфта жа читательский ак-тивсь лувсь лама стихотвореният рузонь кяльса.


Вечерсь ётась пяк оживленной-ста.

Г. Пьянзин.



Казань ошень од ломатне тонафнесазь военной тевть. СНИМКАСА: Военно-Морской клубса штурманский тевса занятиясь. Заня-тиять вятьсы К. А. Успенский преподавательс. Васенцекс рядсот (кержи ширде ви-ди жири) И. Лазарев, С. Ильин и А. Ниязов комсомолецне.

Фотось Б. Мясниковь.
(ТАСС-ть фото-клишес).



Сталинть лемса Крымский медицинский институтсь (Симферополь) оборонный рабо-таса знязе Крымса васенце вастть.

СНИМКАСА: 5-це курсонь студе нткась оборонный работаса активисткась Е. А. Тарасовась канни 5 оборонный значокт и получасть права самостоятельна управ-лять автомашинаса и мотоцикласа.

(Фото-клишесь ТАСС-ть).

КОМСОМОЛЬСКИЙ СОБРАНИЯСТА

Мартть 29-це шистонза Атерь велень средний школань комсо-мольский организациясь эсь об-щей собраниясонза обсудил то-нафнема кизоть 3-це четвертенц итогонзон колга кизефксть.

Общай собраниясь няфтезе, што комсомольский комитетсь ВЛКСМ-нь ЦК-ть X-це пленумонц решениянзон пашкодемаснон инк-са тюри калдывста. Тянь сюнеда аф кржа комсомолец, кода Сели-верстов Абдульс, Лысов Нико-лайсь и лиятне колмоце четвертть пингста тонафнемань качестваснон пяк крьфтаз, получасть 5 ламонь калдыв отметкат.

Выступающий ялгатне няф-тезь комитетть сембе аф сатык-сонзон и макссть лама практиче-ский предложеният, конат лез-дыхть школаса комсомольский организациять работанц коренной-ста ладьяманцы.

А. Попов.

Атюрьевский район.

Комсомолецне обязательстваснон пашкодезь

Сире Теризморга велень аф пол-най средний школань первичнай комсомольский организациянь ком-сомолецне Шестаков Н. И., Пьян-зин М. Ф. и Пьянзин И. С. сьа-вондсть эсь лангозост обязатель-стват, штоба анокламс аф 50 кржа оборонно-физкультурнай значкист.

Комсомолецне эсь лангозост сьавф обязательстватнень пашко-дезь успех мархта. Шестаков и Пьянзин М. ялгатне анокласть ПВХО-нь и ГСО-нь 60 значкист.

Тяда башка синь пяк активной участия примосихть населениять йоткса аф грамотность и мало-грамотность машфтомаса.

Комсомольский организациясь кемокстась социалистический со-ревнованиянь договор Лемдай ве-леть аф полной средний школань комсомольский организациять мар-хта, конань коряс эрь организаци-ясь должен анокламс 130 оборон-най значкист. Синь эздост 50 ВС-нь и 80—ПВХО-нь значкист.

А. Овтина.

Сире Шайговань район.



В. Маяковский

Мора-йондолня

Лийкстака, мора

йондолнякс

Тон велькскаст

модать, ведть,

И морак,

мора-йондолня,

Тон пионерский

слетть.

Кастёрньке

минь мази,

Толсь либорды

руцякс.

Тинь тейжятть

братьят, сазорхт,

Сей сада

толнять ваксс.

Китайский тинь акулат,

Эсь виентень

унктасть,

Минь китайченоть мархта

Акулать

керсаськ прянц.

И видеста

и ряцок,

Работама

и бойс,

Минь вятемасть

тон, тядай—

Республиказе

тонць.

И вишкста касы

одонь вийсь,

Тон сире мода,

ватт;

Тонь шава вастозт

тяни тись

Од имешт,

панжи сатт.

И коза

тон тят варчта—

Родной тейть

сембе вастсь

Минь алянеське

нарде,

Стальной

рабочай классь.

Сей, сире бабай,

мархтонк

Тон тонафнема

сак,

И пара мяльса

лацонк

Букварти

тон кундак.

Минь марса

сембе кялхтыма.

И целеньке

минь фкя,

И ВКП-сь минь

вятьсамазь

Од, ленинский киге.

Йотафтозе А. Мезякаев.



Жабьевский ЛКСМУ-нь райкомсь (Станиславский область, УССР) мекольдены пингста примась комсомолу 22 ломань.

СНИМКАСА: Жабье велень комсомолецне гуцулхне Д. Д. Храпчук и И. Н. Дрысюксь тонафнесазь ВКП(б)-ть историйнц. Фотось Б. Козюкть. (ТАСС-ть фото-клишец).

Стенной печатть цебяргофтоману инкса

Зубово-Полянский района лисенди 80 стенгазета, ламоц синь эздот пашкотыкшнесазь сембе задачатнен, конат ащихть большевистский печатть инголе.

Кепотыксонди сявомс „Колхозник“ стенгазетать, конац лисенди Вадово-Селищенский сельсоветонь Тельманть лемса колхозса.

Тя стенгазетась местный Советтненди кочкаматнен пингста регулярна съормадсь эсь знатный ломанензон колга.

Стенгазетась лездсь колхозти тундань видемати анокламаса и тый сон лувондови передовойкс районаца.

Но нинге лама колхоз, учреждения и предприятия аф лувондсаз эрявиксонди стенной газетать, ашезь шарьхкодь стенной газетать огромный значениянц. Комсомольский и партийный организациятне тя тевть эзда ащихть ширеса. Стенгазетатне лисендихть аф регулярна, аф няфнесазь лучшей ломаттнен тундань видемати анокламаса.

Тяфта ащи тевсь Куйбышевть лемса и „Якстерь тяште“ колхознен эса.

Райпарторганизациять решенинц коряс сембе колхозне, предприятияне и учрежденияне 1940-це кизонь март ковста йотафтсь редакционной коллегиинь кочкамат, конатнен составс кочкафт предприятиянь, колхозонь и учрежденийнь инь лучшей производственникне, конат сявсть обязательстват, штоба маластонь пингть цебяргофтомс стенной печатть работанц.

Тяда башка мартть 31-це шистонза „Ленинонь знамяц“ райгазетась йотафтсь совещания рабселькорхнен и стенгазетань редакторхнен мархта, коса сембе присутствующи няфтезь, што и райгазетась кржа макссезь лезкста стенгазетатненди. Тяка жа совещанияса лучшей стенгазетатнен редакторсна азондсть эсь работань опытнон.

Совещаниясь примась соответствующий решения, кона обязывает сембе редакторхнен, штоба сембе стенгазетатне уলেখть орудиякс тундань видемати лац йотафтоманц инкса тюреманы фронтса.

Зубово-Полянский район.



Успеваемость и дисциплина 3-це четверть пингста

Саранск ошень 5-це № аф полнай средней школы цебяр сатфкст сатсь успеваемость касфтомаса и дисциплина кемохтамаса тонафнема кизоть колмоце четвертень пингста.

Аф кальдяв сатфкст сатсь успеваемость коряс 7-це „А“ классонь ученикне (классный руководитель Симилайскаясь). Тя классонь ученица Вершинина Зинась 3-це четвертьста сембе предметнен коряс тонафнесь аныцек отличная. Цебярста тонафнеманкса и общественной работань вятманкса сон оцю авторитетса пользовандай ученикнен йоткса. Кода отличница и цебяр общественной ученикне эсь собраниясост кочказь ученический комитету членкс. Каменцев Витясь тонафни аныцек отличная. Тянка школаса комсомолецне кочказь эсь организациясост секретарькс.

Но школаса лама ученик и уче-

ница тонафнихть кальдявста. 7-це „Б“ классонь ученикнен Кузнецовть, Абрамовть и Артемовть пяк кальдяв дисциплина и лама предметонь коряс кальдяфт отметкасна.

Школась и марнек сембе педагогический коллективсь оцю работа вятсь ученикнен родительснон мархта. 3-це четверть пингста школась йотафтсь родительский 3 собрания. Ня собранияне макссь оцю лезкс. Лама родитель лездсть эсь идьснонды успеваемостснон и дисциплинаснон кемохтамаса.

Елховиковась, Макаровась, Зикановась и Лазаревась ламоксть сашендсть школань дирекцияти и кизефнесть кода тонафнихть и кода вятсезь эсь пряснон школаса синь идьсна.

Но лама родитель аф макссихть лезкс учительхненди эсь идьснон воспитандамаснонды.

Бикеев.

Пионерский организациятненди — образованный вожатайхть

ВЛКСМ-нь ЦК-ть Х-це пленумонц решениядовза меле ВЛКСМ-нь Саранский горкомсь шарфтьс оцюмья школаса пионерский работать ланкс. Васендакиге полафтфть сят старший пионервожатайхне, конатнен аш педагогический образованиясна и путфть синь вастозост комсомолец-учительхть. Тяни ошса кота учительхть-комсомолец работайхть старший пионервожатайкс.


Старший пионервожатайкс комсомолецнен-учительхнен путомасна живолгофтозе нят школатнен эса пионерский работать. Пионерский отрядтнен эса аккуратна йотафневихть сборхне и сембе пионерхне аккуратна сашен-

дыхть нят сборхненди. Да содержанияснон таниень сборхнен ламода цебяргодсть ингольцетнен коряс, арасть сяда живойкс и интереснайкс.

Пионерхне во главе вожатайхнен мархта коллективна якайхть кино и театрас, якайхть ошень предприятияненди экскурсияс, вишкотьф работась пионерский активть йотксонга. Синь мархтост йотафневихть занятия, но сембе тя нинге аныцек ушеткс. Пионервожатайхненди и комсомольский организациятненди тянь лангс лотксемс аф эряви, а эряви нинге сяда упорнайста работамс.

Лизин.

Саранск ош.



Мартть 26-це шистонза панжевсь „Индустрия социализма“ выставкась, конац пашкотыф од произведенияса и картинаса.

СНИМКАСА: И. А. Модоров художник картинац „Микоян ялгась Астраханский калонь промыслатнен эса“.

Фотось В. Долгановть (ТАСС-ть фото-клишец).

ГЕРМАНСКИЙ АРМИЯТЬ ВЕРХОВНЫЙ КОМАНДОВАНИЯНЦ СООБЩЕНИЯЦ

Германский армиять верховный командованиянц сообщенияс корхтати, што апрельть 9 це шистонза иляденди сембе норвежский военной значения мархта базатнен кемоста кирьнесазь германский войскатне. Нарвикть, Стронгеймть, Бергенть, Ставангерть, Кристианзундть и Ослоть занязь германский вию часттне. Норвежский войскатнен сопротивленисна тоса, коса синь мушендсть васта, кода кепотыксонди Ослоть и Кристианзундть маласа, машффт. Германский авиациясь, конац действовандай ни норвежский авиационнай кой-кона базатнен эзга, тись серьезнай ймафкст Бергентть маласа англо-французский эскадрати. И уликс сведениятнен коряс получать оцю поврежления противникть кафта линкоронза, кафта линейнай и кафта тяжелой крейсеронза. Германский кафта крейсертхть получать поврежления и ваясь. Данияса и Норвегияса спокойна. Германский од войсковой часттне сопротивлени аф васьфнихть и планц коря вишкста шаштыхть Данияв и Норвегияв.

(ТАСС).

Шведский правительствать ответоц Германияти

Германский информационный бюрось пачфни куля, што Германиять правительстватц предложил шведский правительствати ответамс, кодама позиция сон заняй Данияса и Норвегияса германский мероприятиятнен отношенияснон коряс. Шведский правительствась эсь ответсонза съормадь, што сон ингольцекс кармай кирдема нейтралитетонь политика, што сон аш мялец тиесм кодамовок ась-колкс, конат могут тиесм конфликт Германиять и Швециять йоткса.

(ТАСС).

ФРАНЦИЯСА КОММУНИСТТНЕНЬ АРЕСТСНА СТАНЯК МОЛЬФТЕВИ

Английский „Ньюс кроникл“ газетать сообщениянц эзда няеви, што нят шитнен Парижса ульсть арестовандафт 22 рабочайхть-коммунист и ломатть, конат сочувствуют коммунистический партияти.

Лондонца французский посольствась эрь шиня получахши лама резолюция, коса многочисленной рабочайхне и иля организациятне азондыхть протест депутаттнен коммунисттнен лангс лихтьф приговорть каршес.

Манчестерса ульсь рабочайнь массовой митинг. Ульсь кочкафт делегация французский консульствати съормать максома, конань эса азф протест приговорть каршес. Но полициясь консульствать зданияс ашезе нолда. Съормась тоза ульсь кучф почта вельде. Протестонь массовой митинг ульсь йотафтф и Англиять иля оцю промышленной центрасонза—Нью-Касляса. Тяса тяфта жа ульсь кочкафт делегация французский консульствати приговорть каршес протестонь резолюциять максома.

(ТАСС).

Ответ. редакторть заместителец
И. ЧУДАКИН.